

Bana ba Pallo



SABATHA MANTSIBOEA

Bakeng sa Boithuto ba Beke Ena Bala:

Gen. 15:1–3, Esa. 25:8, 1 Bakor. 2:9, Tšen. 22:1–5, 1 Pet. 2:9, Gen. 11:4, Gen. 12:2.

Teman'a Khopolo:

“Me bonang, ‘na ke na le lona ka mehla eohle, ho isa bofelong ba lefatše” (*Mattheu 28:20*).

Ntate le morali oa hae ea lilemo tse leshome ba ne ba le matsatsing a phomolo lebopong la leoatle. Ka letsatsi le leng ba soa ho ea natefelo a ke ho sesa leoatleng, ‘me leha bobeli e ne e le lisesi tse hloahloa, ha ba leharenzana ho leoatle ba arohana. Ntate, ha a eelloa hore leqhubu le ba isa hare ho leoatle ho feta, a hooeletsa ngoana oa hae: ‘Mary, ke ea lebopong ke lo batla thuso. Haeba u ka khathala, phethoha u kakalle. U ka phaphamala letšoare lohle ha u le joalo. Ke tla boea ke tlo u lata.’ “Pele ho nako e telele, litsomi tse ngata le liketsoana li ne li aba-aba holimá metsi li tsoamana le ngoanana e monyenyanane. Makholo a batho a ne a utloile litaba ‘me a eme ka khathatseho. Ho nkile lihora tse ‘ne pele ba mo fumana, hole le leboyo, empa o ne a phaphametse a kakalletse a sa tšoha le hanyane. Litlatse le meokho ea thabo tsa amohela ba pholoso ha ba fihla lebopong ka moroalo oa bona oa bohlokoa, empa ngoana moea oa hae o ne o ntse o khutsitse. O ne a bonahala e ka o bona ba etsa ntho e sa tloaelehang. A re, ‘Ntate o itse nka phaphamala letšoare kaofela ha ke kakalletse ‘me o tla boea a tló ntata, kahona ke ile ka sesa ka phaphamala, hobane ke tseba hore o tla tla.’” —H. M. S. Richards, “Ha Jesu a Khutla,” *Voice of Prophecy News*, Tlhakubele 1949, leq. 5.

Beke ka Bokhutšoanyane: Hobaneng ha Morena ile a ipitsa thebe ea Abrame? “Malapa oohle a lefatše” a ne a tla hlohonolofala ho Abrahama joang? Ke tšepiso e fe ea selekane e kholo ka ho fetisisa?

**Ihute thuto ea beke ena ho lokisetsa Sabatha sa la 1 Motšeanong.*

Thebe

“Ka mor’a tba tsenda, lentsoe la Jehova la fihla ho Abrame ka pono, la re: Se tšabe Abrame, ke ‘na thebe ea hao, ‘me moputso oa hao o tla ba moholo-holo” (Gen. 15:1). Bala Genese 15:1–3. Nahana maemo ao e fanoeng ho oona. Hobaneng ha ntho ea pele eo Morena e buang le Abrame e le “Se tšabe”? Abrame o ne a tla tšaba’ng?

Se thahasellisang ka ho khetholloha mona ke hore Jehova o re ho Abrame, “Ke ‘na thebe ea hao.” Boitsebeliso ka ho nthofatsa e bontša sebopelo sa kamano ea e mong ho e mong. Molimo o tla amana le eena e mong ho e mong, ka tsela eo a tla etsa le ka rona bohle. Boemo ba Molimo e le “Thebe” a hlaha mona lekhetho la pele ka Bibeleng ‘me ke lona feela lekhetho leo Molimo a bo sebelisang ho iponahatsa, leha lingoli tse ling tsa Bible li ka sebelisa lentsoe leo ho bua ka Molimo (Deut. 33:29, Lipes. 18:30, Lipes. 84:11, Lipes. 144:2).

Ha Molimo o ipitsa thebe ea motho e mong, seo se bolela’ng? Ho na le seo e neng e se bolela ho Abrame seo e ka bang ha e se bolele ho rona hona joale? Na re ka ikopela tšepiso eo le rona? Na hoo ho bolela hore ha ho na kotsi e ka re tlang? Molimo ke thebe ka litsela li fe? U utloisisa setšoantšo seo joang?

“Kreste ha a na thahasello e saooang feela ho rona empa ke thahasello e fetang ea ‘m’e ho ngoana. . . . Mopholosi oa rona o re rekile ka tlhokofalo le mahlomola a botho, ka litlhapa, litšomo, tlekefetso, ho tlakoa, ho hanoa le lefu. O u lebetse, uena ngoana oa Molimo ea thothomelang. O tla u sireletsa tlas’a tšireletso ea Hae. . . . bofokoli ba rona ba sebopelo sa botho ha bo thibele ho tla ho Ntat’a rona ea Maholimong, hobane o [Kreste] shoele hore a tle a re buelelle.”—Ellen G. White, *Sons and Daughters of God*, leq. 77.

Rolando ka chalimo ea mahlo ka hohle-hohle, o ne a bonahala e le molateli ea oa Morena ea tšepelang. Eaba, o shoa lefu la sekhahla. Ho etsahetseng ka Molimo e le thebe ea hae? Kapa re lokela ho utloisisa taba ea Molimo e le thebe ea rona ka tsela e fapaneng? Hlalosa. Molimo o tšepisa ho re sireletsa ho eng kamehla? (Sheba 1 Bakor. 10:13.)

Tšepiso ea Mesia: Karolo ea 1

“Mefuta eohle ea lefatše e tla hlohonolofala ho uena le ho mofuta oa hao” (Gen. 28:14).
 “Me ha le le ba Kreste, ke moo le leng ba Abrahamama, le majalefa ka pallo” (Bagal. 3:29).

Molimo o buile ho Abrahamama makhetlo a fetang bonngoe hore ka peo ea hae, moloko oa hae, lichaba tsohle tsa lefatše li tla hlohonolofala (sheba le Gen. 12:3, Gen. 18:18, Gen. 22:18). Tšepiso ena e hlolang ea selekane ea phethoa, hobane har’a litšepiso kaofela, ena kea bohlokoa ka ho fetisisa, e tsoellang ka ho fetisisa, e etsang hore tse ling kaofela li be le boleng. Ka polelo e le ‘ngoe e na e ne e le tšepiso ea ho phahama ha sechaba sa ba-Juda, seo ka sona Molimo o neng o batla ho ruta “malapa óhle a lefatše” ka Molimo oa ‘nete le ka leano la Hae la pholoho. Feela, tšepiso eo e fihlela phethahatso ea eona ka botlalo ho Jesu Kreste, ea tllileng a tsoa peong ea Abrahamama, Eena ea neng a tla lefella libe tsa “malapa óhle a lefatše” Sefapanong.

Nahana ka tšepiso ea selekane e entsoeng kamo’a Moroallo (eo ho eona Jehova e tšepisitseng hore ha a hlole a timetsa lefatše ka metsi hape). E ne e tla ba le molemo o fe haeba ene e se na tšepiso ea topollo e fumanoang ho Jesu? Qetellong tšepiso e fe kapa e fe ea Molimo e ne e tla ba le molemo o fe kantle ho tšepiso ea bophelo bo sa feleng bo fumanehang ho Kreste?

U utloisisa joang taba ea hore ho Abrahamama, ka Jesu, “malapa óhle a lefatše” a tla hlohonolofala? Taba ee e bolela’ng?

Ha ho potang, tšepiso ea selekane ea Mopholosi oa lefatše ke tšepiso ea Molimo e kholo ka ho fetisisa tse ling tsohle. Mopholosi ka bo-eena o fetoha tsela eo ka eona maikarabello a tlhophiso ea selekane a fihlillehang ‘me e be le litšepiso tse ling tsa sona li ea fihleleha. Bohle, ba-Juda le Balichaba, ba kenang kopanong le Eena ba balloa hoba ke lelapa la ‘nete la Abrahamama le majalefa a pallo (Gal. 3:8, 9, 27–29), ke hore—tšepiso ea bophelo bo sa feleng tikolohong e se nang sebe moo bokhopo, bohloko, le matšoenyeho li sa tlo hlola li e-ba teng. Na u ka nahana ka tšepiso e ‘ngoe e molemo ho feta eo?

Ke eng ka tšepiso ea bophelo bo sa feleng lefatšeng le se nang sebe le matšoenyeho e nang le khoheli e kaalo ho rona? Na e ka ba ke hore re le nyoretsoe hobane ke sona seo re neng re se bopetsoe ho tloha sethathong ‘me ka ho le nyoreloa re nyoretsoe ntho eo e leng ea mantlha ka tlhaho ea rona?

Tšepiso ea Mesia: Karolo ea 2

“Hore re be le thabo ea ‘nete re lokela ho etela naha e hole-hole, le ho hona ho tsoa kahare ho rona.”—Thomas Browne. Talima qotsulo eo e kaholimo, e ngotsoeng lilemong tsa bo 1600. Oa lumela kapa oa hanana? E bale moeelong oa 1 Bathesalonika 4:16–18 le le oa Tšenolo 3:12.

Augustine o ile a ngola ka boemo ba botho: “Bophelo bona ba rona—haeba bophelo bo tletseng mahloko a mangata ha kaale bo ka bitsoa bophelo—bo eme e le bopaki ba taba ea hore, ho tloha sethathong, leloko la batho ba shoang ha e sa le e le leloko le rohakehileng. Nahana, pele, ka lefifi le letšo-letšo le tšabehang la ho hloka tsebo leo liphoso tsohle li tsoang ho lona e be li koahela bara ba Adama sekoting se lefifi hoo ho seng ea ka phonyohang ho se ho shotla le meokho le tšabo. E be u nka lona lerato la rona la lintho tseo kaofela tse iponahatsang hoba ke lefeela la mafeela ‘me li chefu ‘me li baka lipelo tse bohloko ka bongata, matšoenyeho, tšiamo, le tšabo; nyakallo e hlanyang ha kaalo kahar’a bolutu, maima, le lintoa; boqhekanyetsi bo joalo, le bosholu; bohlabaphieo bo bo kaalo le boikhohomoso, mona le meharo, ho fenetha le lipolaeano, bokhopo le bokoeta, ho hloka taolo le litakatso; litakatso tsohle tsa ho hloka lihlong tsa ba sa hloekang—boboki le bofebe, ho robala le bahabo motho le libe tse hole le tlhaho, peto le le litšila tse ling tse sa baloeng tse mpe hoo li ke keng tsa boleloa; libe tse khahlanong le borapeli—bonyefoli le lithuto tsa bokhelohi, le ho tsoa likano tlase; makhopo khahlanong le bahaisane—tšenyeno ea lebitso le bolotsana, mashano le bopaki ba leshano, likhoka khahlanong le batho le thepa; ho hloka toka ha makhotla le masisa-pelo a mang a sa baloeng le mafu a tletseng lefatše, feela li feta joalo ka ha e ka ha lia etsahala.”—Augustine of Hippo, *City of God*, Gerald G. Walsh, S. J. trans. (New York: Doubleday & Co., 1958), buka ea 22, khaolo ea 22, leq. 519.

Qotsulo ea Augustine e ka sebetsa ho bohobo ba litoropo tsa ha joale; feela o e ngotse lilemo tse fetang tse makholo a leshome le metso e mehlano tse fetileng. Ho etsahetse phetoho e nyane feela bothong, e leng lona lebaka leo batho ba batlang ho phonyoha. Ka lehlohonolo, ho sa natse hore na boemo ba rona bo thata hakae hona joale, empa ka lebaka la seo Molimo o re etselitseng sona ka bophelo, lefu, tsoho, le bosebeletsi ba boprista bo phahameng ba Jesu Krete—phethahatso ea mapomelo ea tšepiso ea selekane e etselitsoeng Abraham a hore, ka peo ea hae, malapa ohle a lefatše a tla hlohonolofatsoa.

Sheba qotsulo ea Augustine. Ngola se seng ka mantsoe a hau ho hlalosa boemo bo sisimosang ba lefatše kajeno. Ka nako eona eo, batla litemana tsa Bible tseo u ka li fumanang tse buang ka seo Molimo o re tšepisitseng sona ho Jesu Krete (mohlala, Esa. 25:8, 1 Bakor. 2:9, Tšen. 22:2–5). Lula litšepisong tseo. Li etse tsa hau. Ke nakong eo feela u ka utloisisang seo selekane se leng sona.

Sechaba se Seholo se Matla

Molimo ha oa tšepisa Abrahamama feela hore malapa óhle a lefatšeng a tla hlohonolofala ho eena; Jehova o itse o tla mo etsa “sechaba se seholo se matla” (Gen. 18:18; sheba le Gen. 12:2, Gen. 46:3)—tšepiso e kakang e etsetsoang monna ea nyetseng mosali ea fetileng lilemo tsa thari. Ka mokhoa o joalo, ha Abrahamama a ne a se na litloholo, leha e se e le mora feela, Molimo oa mo tšepisa tseo ka bobeli.

Feela, tšepiso ha ea phethahatsoa ka botlalo ha Abrahamama a sa ntse a phela. Leha e le Isaaka leha e le Jakobo ha ba bona ha e phethahala. Molimo o ile oa e pheta ho Jakobo, e se e na le litaba tse eketsehileng ea hore tšepiso e tla phethahatsoa Egepeta (Gen. 46:3), leha Jakobo a sa ka a e bona le eena, Khabareng, ehlile, tšepiso e ile ea phethahala.

Hobaneng ha Jehova a ne a batla ho etsa sechaba se khetheleng ka peo ea Abrahamama? A na Jehova o na batla naha e itseng ea bochaba bo itseng? Sechaba see se ne se lokela ho fihlela sepheo se fe? Bala Exoda 19:5, 6; Esaia 60:1–3; le Deuteronomoma 4:6–8; e be u ngola karabo ea hau, meleng e katlase:

Ho bonahala ho hlakile ho tloha Lengolong hore Molimo o ne a rerile ho hohella lichaba tsa lefatše ho Eena ka bopaki ba Iseraele, boo tras'a tlhohonolofatso ea Hae, e neng e tla ba sechaba se thabileng, se phetseng hantle, hape se halalelang. Sechaba se joalo se ne se tla bontša tlhohonolofatso e tsamaeang le kutlo ea thato ea 'Mopi. Matšoele-tšoele a lefatše a ne a tla hoheleha hore ba khumamele Molimo oa 'nete Esa. 56:7). Ka mokhoa o joalo, maikutlo a botho a ne a tla hoheleha ho Iseraele, Molimo oa bona, le Mesia, ea neng a tla bonahala har'a bona, e le Mopholosi oa lefatše. “Bana ba Iseraele ba ne ba lokela ho tlala tikoloho eohle eo Molimo o nó ba baletse eona. Lichaba tseo tse neng li hanne borapeli le bosebeletsi ba Jehova li ne li lokela ho lahluoa. Empa e ne e le morero oa Molimo hore ka ponahatso ea semelo sa Hae ka Iseraele batho ba tle ba huleloe ho Eena. Memo ea evangeli e ne e lokela ho fuoa lefatše lohle. Ka thuto ea litšebeliso tsa mahlabelo, Kreste o ne a lokela ho phahamisoa kapele ho lichaba, ‘me bohle ba ne ba tla mo talime ba phele.’—Ellen G. White, *Christ's Object Lessons*, leq. 290.

Na u bona ho tšoana mahareng a seo Jehova a n'a batla ho se etsa ka Iseraele le seo a batlang ho se etsa ka kereke ea rona? Haeba ho le joalo, ke lintlha li fe tseo tse tšoanang? Bala 1 Petrose 2:9.

“Holisa Lebitso la Hau”

“Ke tla u etsa sechaba se sehoho, ke u hlohonolofatse, ‘me ke tla holisa lebitso la hao, ‘me u tla fetohela ba bang lehlohonolo” (Gen. 12:2). Ho Genesis 12:2, Molimo o tšepisa ho etsesa Abrame lebitso le lehoho—ke hore, ho mo tumisa. Hobaneng ha Jehova a ka batla ho etsesa moetsalibe ntho e joalo, ho sa natshe hore na o na le kutlo le botšepahi ha kae? Ke mang ea lokeloang ke lebitso le “lehoho?” (Sheba Baroma 4:1–5, Jakoboa 2:21–24.) Na Molimo o ile a fana ka lebitso le lehoho ho Abrame molemong oa hae, kapa taba ee e ne e emetse ho hong ho fetisang? Hlalosa.

Bapisa Genese 11:4 le Genese 12:2. Phapano e khohlo mahareng a tsona li le peli ke e fe? Ke ka litsela li fe e ‘ngoe e tšoantsang “pholoho ka mesebetsi” ha e ‘ngoe eona e le “pholoho ka tumelo”?

Leha, leano la pholoho le lutse feela mosebetsing oa Krete sebakeng sa rona, re—joalo ka baamoheli ba mohau oa Molimo—ntse re ameha le rona. Re na le karolo eo re lokelang ho e etsa; ke moo ho hlahellang khetho ea rona ea bolokolohi. Toantsano ea mengoaha, ntoa e mahareng a Krete le Satane, e ntse e loana ka ho rona le ka rona. Batho le manyeloi ka bobeli ba shebellese se tlang ho etsahala ka rona ntoeng ena (1 Bakor. 4:9). Ka mokhoa o joalo, seo re leng sona, seo re se etsang, se phahametshe hole le ho ba le bohlokoa feela tikolohong ea rona, empa se na le litlamorao tse ka fihlellang ‘mopo ohle oa maholimo le mafatše. Ka mantsoe a rona, liketso tsa rona, le eona mekhoha ea rona, re ka thusa ho tlotlisa Morena, ea re etselitseng tse khohlo, kapa re ka mo tlotlolla le lebitso la Hae. Ka mokhoa o joalo, ha Jehova a ne a re o tla etsesa Abrahama lebitso le lehoho, kannete o ne a sa bue ka tsela e tšoanang le ea lefatše ha le bua ka hore motho o na le lebitso le lehoho. Se etsang lebitso le be lehoho mahlong a Jehova ke semelo, tumelo, kutlo, boikokobetso, le lerato ho ba bang, limelo tseo leha li ka hlompua lefatšeng ha se lintlha tse ka talingoang ke lefatše e le tsona tse ka etsatsang motho lebitso le lehoho.

Sheba ba bang ba banna le basali ba nang le mabitso a “maholo” lefatšeng kajeno, ekaba ba papali ea kalaneng, boralipolotiki, linōnō, barui, mang kapa mang. Ke eng ka batho ba e ba tumusitseng? Bapisa seo le bohoho ba Abrahamama. Taba ee e re bolella eng ka ho kheloha ha tsela eo lefatše le talimang bohoho kateng? Chalimo eo ea lefatše ka bohoho e ama chalimo ea rona ea bohoho ha kae?

Ho Ithuta Haholoanyane:

Bala Ellen G. White, "Abrahama Kanana," maq. 132–144 le "Teko ea Tumelo," maq. 145–155, ho *Patriarchs and Prophets*. "Teko e neng e tliselitsoe Abrahama e ne e se bobebe ho hang, sehlabelo se neng se hlokoa ho eena se ne se se senyane. . . . Empa ha a ka a qeaqea, a mpa a latela pitsa eo. Ha a ka a botsa lipotsa ka lefatše la pallo. . . . Molimo o buile, 'me mohlanka oa Hae o loketse ho latela; sebaka se thabisang ka ho fetisisa lefatšeng e ne e le moo Molimo o batlang a be ho sona.'"—Ellen G. White, *Patriarchs and Prophets*, leq. 126. Ha Abrama a kena Kanana, Jehova a iponahatsa ho eena 'me a mo hlakisetsa ha a sa ntsa a jakile lefatše leo a tla le nea litloholo tsa hae (Gen. 12:7). Molimo o phetile tšepiso eo makheto a mangata (sheba Gen. 13:14, 15, 17; Gen. 15:13, 16, 18; Gen. 17:8; Gen. 28:13, 15; Gen. 35:12). Lilemo tse ka bang tse makholo a mane hamorao, e le phethahatso ea pallo (Gen. 15:13, 16), Jehova o tsebisa Moshe hore o tla ntša Iseraele Eqepeta a e ise lefatšeng le kollang lebese le mahe a linotsi (Exod. 3:8, 17; Exod. 6:8). Molimo oa pheta pallo ho Joshua (Josh. 1:3), 'me mehleng ea Davida e ile ea phethahatsoa ka bophara, leha e ne e se ka botlalo (Gen. 15:18–21; 2 Sam. 8:1–14; 1 Marena 4:21, 1 Likron. 19:1–19). Joale u bale Baheberu 11:9, 10, 13–16. Litimana tsena li hlakisa hore Abrahama le bapatriareka ba bang ba tšepahalang ba ne ba talima Kanana e le joalo ka sesupo, kapa seriti, sa lehae la mapomelo la balopolloa ba Molimo. Boemong ba sebe, ha ho khonahale hore ho be le tulo e sa fetoheng. Bophelo bo ea feta, joalo ka "moholi feela o bonahalang ka motsotso o se mokae, o ntoo nyamela" (Jakobo 4:14). Joalo ka litloholo tsa semoea tsa Abrahama, le rona, re lokela ho hlakomela hore "Mona, ha re na motse o tieang, empa re batla o tlang ho hlaha" (Baheb. 13:14). Ho tiea ha bophelo ba bokamoso le Krete ho re boloka re na le botsitso lefatšeng lena la kajeno la liphetofo le ho bola.

Lipotso tsa Puisano:

1. Pallo ea Molimo ea lefatše le lecha e ama boiphihlelo ba rona ba Bokreste ka bo mong joang? (Bapisa Matt. 5:5; 2 Bakor. 4:17, 18; Tšen. 21:9, 10; Tšen. 22:17.)
2. "Boholo ba 'nete bo ne bo lokela ho hlaha boikamahanyong le litaelo tsa Molimo le ho sebetsa 'moho le eena morerong oa Hae o halalelang.'"—SDA Bible Commentary, pok. 1, leq. 293. Buisanang se boleloang ke polelo ena.

Kakaretso: Litšepiso! Li bohlokoa hakaakang ho molumeli! A na li tla phethahatsoa? Tumelo ea araba, E.